

Rede ba Rai Timor-Leste

Secretariat iha Fundasaun Haburas, Rua Celestina da Silva, Farol, Dili, Timor-Leste
telefonu: +670 730 7800 email: redebarai@gmail.com web: www.redebarai.blogspot.com

Dr. Lúcia Lobato,
Ministra Justisa,
Edifisiu Ministerio Justisa
Colmera, Dili

10 Junhu 2009

Sra. Ministra mak ami respeitu,

Ami haruka karta ne'e relasiona ba esbosu lei ba rai tranzitório sei loka Sesta-feira semana ne'e (loron 12). Lei ne'e, sei decide estrutura ida atu determina sé mak nain ba rai iha Timor-Leste, hodi rezolve konfusaun ba rai-nia nain hafoin kolonializasaun no konflitu ba tinan barak. Lei ne'e importante teb-tebes atu asegura direitu ba rai ba ema Timor-Leste tomak. Tanba ne'e ami hakarek atu fó rekomendasaun sira iha sasukat iha kraik. FONGTIL-nia Rede ba Rai nu'udar grupu ida husi membru sosiedade sivil ne'ebé servisu ba asuntu feto, refujiadus, meiu ambiente, agrikultura no justisa iha Timor-Leste – asuntu sira ne'e sei iha influensia maka'as husi política rai-nian. Ami hein sei promove diskusaun públiku, debate konstruktivu no hetan partisipasaun maximu relasiona ho asuntu rai ne'e.


Iha anexu ne'e, ami identifika nu'udar sasukat ida katak aktividade sira ne'ebé ami hanoin presiza halo atu asegura katak konsultasaun públiku kona ba lei ne'e bele lori ideas no hanoin husi ema Timor Leste tomak iha prosesu atu dezenvolve lei ne'e, no mos atu asegura dunik rona sira nia lian iha konsultasaun ne'e. Rekomendasaun ne'e bazeia ba esperiensa husi ami-nia membrus balun, katak diskusaun informal ho ema seluk nu'udar prosesu partisipasaun mak efetivu liu. Konsultasaun ne'ebé efetivu no mós to'o ba ema hotu, bele hamenus possibilidade katak ema la simu lei, no mós bele ajuda atu dezenvolve rejime rai mak tuir lolos situasaun iha Timor-Leste no ema Timor-Leste nia hakarak. Ami hein katak rekomendasaun ne'e bele ajuda ita-boot atu harii prosesu konsultasaun públiku ne'ebé efetivu.

Ami prontu atu diskute sasukat hirak ne'e, no mós ideas seluk ami iha atu haforsa prosesu ba konsultasaun públiku, liuliu sosiedade sivil-nia papel iha prosesu ne'e. Karik ita-boot hakarak kontaktu ami, bele telefone ba Koordinadór Rede ba Rai, Meabh Cryan ho número 730 7800.

Ho respeitu,



Meabh Cryan,
Koordinadór,
Rede ba Rai



Inês Martins
Pesquizadora Agrikultura
La'o Hamutuk



José Amaral
Koordinadór Advokasia
NGO Forum

Reprezentante – sira husi Rede ba Rai-nia Grupus Serbisu ba Lejislativa

CC: Sr. António Verdial de Sousa, Diretór, Direcção Nacional de Terras, Propriedade e Serviços Cadastrais
Sr. Nigel Thomson, Diretór, Ita Nia Rai
Sra. Fernanda Mesquita Borges, Prezidente, Komisaun A, Parlamentu Nasionál RDTL